



度支奏議

堂稿
卷之七



度支奏議目錄

堂稿七卷

轉餉畫一全行充支疏

七懇休致疏

議祛餉司宿蠹十款疏

邊塞呼籲日聞京邊起解中斷疏

平賦永利修書曠典分官責成疏

歸併臺省二臣清查京邊雜項疏

二年春夏二季邊餉覈實入告疏

遵 旨遴選差官纂修疏

覆科臣裴君賜欽立錠式疏

漕糧積欠懇乞嚴追比重考成疏

度支奏議卷之七

太子少保戶部尚書淄青畢自嚴視草

轉餉畫一疏

題爲轉餉有至便之術司鑰有無弊之法懇乞

聖明著爲畫一以平出納以利輓輸事項者臣以病

困乞休情詞幾竭未蒙

皇上允從雖病體支離尚思積誠補贖再

請而感動

天聽未知何時則臣養痾待

命之日皆曠職悞事之日而臣罪愈不可贖矣用是不愛一息尚存之頂踵爲

皇上圖涓堦之報丁疾入部勉效鉛乙卽舉一事畫一籌而委頓焉足以不恨蓋自臣受事以來內慮倉庫之匱乏外憂九邊之脫巾無刻不討

國計而圖維之已幸略有次第而又仰賴

皇上寵靈

命廷臣集議訐謨入

告見今刻布中外極力督催臣自是可免瓶罍之耻

負乘之咎矣而就筦庫之事得一最便之法爲臣所熟計而至約同屬所力行而見効者尚欲仰懇

皇上著爲功令使共遵守則委解兌支之法是已兌支者借庫爲持平而不從庫受出入者也出入之際爲輕爲重爲遲爲速無窮之弊伏焉蓋解官苦於內收之重而中實多濡染監督苦於外解之輕而中或索贈耗卽在外餉司亦藉口於部發之短少而遂乘機扣除卽有賢者不免隨

風而靡總之皆牢不可破之弊也。臣爲此扼腕
久矣。欲滌其弊。惟在兌支。良以兌支則雖有出
入。實無出入。輕重無所容其私。遲速不得任其
意。卽有庫內奸書猾吏。亦將窮於伎倆之無復
之。解官不必別有鑽營。積棍不得恣爲包攬。而
稱兌自公。轉運自捷矣。奚以明其然也。蓋太倉
錢糧十八充邊餉者也。新庫錢糧盡數充邊餉
者也。今外解一到各鎮。委官環向爭索。隨時給
發。慮其晚。若非舉盈之時。發不能盡。尚需貯

庫者也。畢竟歸于委官之手。何必復入筦庫之
手。委官之等候踰時。望眼欲穿者。尚可遲遲
而必多此一番轉折。以爲胥吏枝節地耶。又何
惟委官爭於不足。解官苦於無餘。而勞擾未有
已。臣自受事之始。因見掛欠之多。卽將新舊
二庫法馬比較相同。合爲一式。有稍重者卽加
挫磨。計新庫每一千三百兩。減去三兩四錢。太
倉每一千兩。減去一兩。又通行各省直藩司餉
司。但有法馬輕重不如式。卽令請發更換。又立

樣銀之法每解銀詣部時用銀四錠較勘平準
作爲樣銀外兌內兌以此爲則正欲使內外分
數毫髮不爽以便於兌支耳若能率繇無弊中
外血脉自相貫通決無彼此隔礙偏輕偏重之
患亦無往昔掛欠成千成百之事矣。部司屬
監督太倉主事馮世熙新庫主事王國祚亦皆
脩潔自好雅志釐剔到任之日遵臣堂諭俱各
有呈欲全行兌支其說頗詳臣批令遵行蓋已
有。其法外解一到一槩不收入庫一面呈堂

派發一面卽喚解官委官會同巡視科道當堂
面兌登冊入鞘卽時起運其銀錠稍輕者仍令
解官找補解官原有添搭水脚彼亦無辭儻原
錠稍重些須者不妨作正支銷行文知會則濡
染不期絕而絕贈耗不期清而清矣然後通行
督撫餉司知會既係解委自兌餉數充足而猶
藉口庫折出示短少者是餉司直以其身爲射
的耳。要尤在嚴禁解官委官不許通同作弊
私索偏手俾令利歸私橐額減軍儲巡視監督

實爲衡量。其間寓目持平。記載錠件項數。務期
明晰。此又責難他諉。決不容秦越相視者也。目
今業已次第遵行。漸見兌支之明効矣。然臣以
爲凡法不軌於一。不可以程衆。不定自

上。不足以行久。後之筦庫。卽有如世熙國祚其人者。
不知又經幾許簡點。幾許酌量。始能出此儻人。
各有心而利弊乃不可同日語矣。今欲立爲定
制。舊餉萬金以上。新餉千金以上。悉與兌支。緣
太倉自九邊外。尚有官俸商價及京營草料等

項。歲以數十萬計。新餉自關寧畿甸外。亦有召
買運價工食等項。歲亦以數萬計。且外解多有
零星幾兩幾錢。不便於兌支者。不妨收庫以待。
零發要以公平爲主。但爲數不多。歸於不失兌
支之意而已。至於羨銀之說。曩時固亦小補。然
錢糧止有此數。解者旣不可多求。領者又不可
少與。此物將奚從出。不幾爲浸漁者藉之口耶。
今但斬斷葛藤。全用兌支一法。則此太倉新庫
之羨餘。卽爲

國家節縮計正自不必垂涎耳。此法立也。一便於解官。二便於監督。三便於餉司。一舉而三善備焉。將潔已奉公者固因以明素心。卽不然者而法行已久。難以私更。如蓬之在麻。不扶自直。雖有貪墨桀黠之徒。亦無所用之矣。此真拔本塞源一清永清之術也。○臣又有

請焉。新庫舊庫一體也。舊庫設有巡視科道而新庫獨否。且舊庫巡視萬金以上乃始下庫監收而不監放。今旣行兌支則收之時卽放之時總在

巡視一覽中耳。而所藉彈壓者多矣。若夫新庫以終歲數百萬之出入而無一風憲耳目之臣爲之協同綜覈。此亦軍興創制疎略之一端也。查有督餉御史一員向來專職新餉不與庫事合。無令照巡視太倉一體行事。監同兌支稽查出入則收放之道亦復一貫之而需索短少可永免紛呶之徑竇。○臣雖在病困竊見

聖明注意庫藏鄭重錢糧而軍儲邊餉所關尤鉅。故從床褥呻吟求其實實可行而永永無弊者舉

度支奏議
以上

聞於以少荅

高厚稍道鯨曠未必不在此舉也。惟

聖明裁察施行

崇禎二年五月二十五日具

題本月二十八日奉

聖旨邊餉解發兌支良便且可以祛筦庫等弊。試
有效着新舊畫一通遵新餉出入督餉御史照太
倉例一體巡察。胥如議行該衙門知道。欽此。

七懇休致疏

奏爲屢疏乞骸未允人言突至堪羞七懇

天恩立賜休致以遂苦情以全晚節事。臣頃以脾胃

虛弱泄痢瀕危沉痾難起六疏乞骸不啻唇焦

穎禿勢迫詞窮矣。於五月十七日奉

聖旨卿司計勞苦朕所鑒知既奏偶恙已漸痊准調
理二三日卽出理部務不必再陳該部知道。欽此。

臣跪誦之下不覺涕泗霑膺垂絕復醒。

明旨謂司計勞苦朕所鑒知是直以推心置腹之

恩待臣也。又限調理二三日，卽出理部務，是又鰥官曠職之讐。惕臣也。臣用且感且懼。支離病骨，扶掖而出，趨

朝入，有不敢以頃刻淹者，惟是臣病已入膏肓，豈調理數日可愈部務大費撐支，豈衰殘微臣克堪政擬，遲旬日再申前

請忽值

聖躬深居邃攝，遂不敢造次瀆陳矣。比接邸報，見協理詹事府事禮部右侍郎羅喻義有大學見行之制書，必不可毀一疏，疏末數語有感於黃髮之無愆，欲慎重刑名錢穀，而致慨於今之錢穀主者爲尸居餘息之人，此真救時藥石而於臣尤實獲我心。臣累疏自陳，不如禮臣之一言代寫也。臣之負乘溺職，不勝厥任。

皇上雖心鑒之，而猶姑優容之。臣屢疏乞骸，皇上若謂或有矯飾而未之允。今禮臣之持論如此，是可以占人情之同，而臣之非捏辭托病避難，偷安亦可兩相印証矣。且禮臣負宇內重望，且

晚當膺大拜留心

國計此正其嘉謨嘉猷入告我

后之一端也。

皇上卽不信臣言又安可不信禮臣之言也夫

皇上之諄諄留臣將爲軍

國錢穀計乎則臣衰病昏曠之餘其不足以補苴
時艱審矣必待庚癸遍呼叢挫滋罪臣縱萬死
不足贖其如

社稷何將爲微臣功名計乎人臣致

主止有此身而廉耻者尤立身大防也今以極衰極
病之身夜行不休以致愆尤日積漸來指摘之

口卽

皇上曲加憫念亦不能爲臣地矣蓋臣頽齡篤疾不
堪鞭策負

恩誤

國私心廩廩曠官若此一宜去辰入酉出拮据部
務交游覲謁一切報罷踈節若此二宜去姜桂
鄙性至老弗移囑託情面槩難曲徇不合時宜

度支奏議
九
如此三宜去。目今

皇上勵精圖治。諸臣莫不精白承休。劬勩

國計。豈患乏人。而使衰病微臣。負此三可去罪狀。徒抱憂讒畏譏之心。惟有抑鬱待盡耳。臣敢再疏冒死以

請。詞更竭矣。情更棘矣。

聖慈亦可以憐而放之矣。伏乞

皇上電臣累疏。旁采人言。鑒臣苦衷。全臣晚節。

立賜休致。蚤令回籍。則所以資臣者實多。臣惟有戴

皇恩於無疆祝

聖壽於萬年已耳。無任惶悚激切之至。

崇禎二年六月初九日具

奏本月十二日奉

旨。卿任事勤敏。部無留務。且精力健盛。心思周詳。國計方切倚賴。還加意料理。奏內旁及之言。不必介懷。部知道。欽此。

議祛餉司宿蠹十款疏

題爲邊徼告急釐剔爲先謹議盡祛餉司宿蠹以
清軍儲事臣惟天下財賦皆臣部筦之而臣部
分司之者則內而倉庫外而糧儲各官也倉庫
之事臣已略陳其槩業蒙

皇上俞允申飭矣至外之餉司與三軍尤親士馬饑
飽邊事安危俱於是乎寄其所關更重其間款
項頗衆頭緒亦多總之出納欲平綜覈欲清而
已不平則收支之際易生煖亂不清則開除之

際易。土影。耗餉兆爭。所繇來矣。臣願立一惟
清。惟平之法。外與餉司共守之。而內則臣部自
操之。使循之。井井有條。而背之。萬萬不可。內外
之間。呼吸立應。黑白難掩。如是而餉司亦可藉
以寡過矣。蓋立法與用人不同。用人則擇賢者。
立法則防不肖。餉司皆經選擇。非必不肖也。而
而不煩更張改革之力。此永永無弊之術也。頃
臺臣饒京有酌議理餉之官一疏。內一款云。邊
庭之餉司當議也。兵餉已經戶部解發。似可徑
解撫院檄各兵散領。勿謂大臣不親細事。每見
鼓譟先及撫臣。當使恩怨擔子。以重臣肩之。儼
必又經戶部分司之手也。豈其必有餉司而後
能查兵額虛實乎。等因。續奉

聖旨。關切兵餉。一并覆行。欽此。臣細繹臺臣具疏之
意。蓋有慨於餉司之不肖者。叢神之不問。而又
因以爲利。一以爲豺狼。一以爲貓鼠。不如專任
司道而臨之。撫按之彈壓。爲計甚便。苦心哉。其

言之矣。然以臣今日之法行之。則前弊既無所庸。餉司亦可司道亦可。均之歸於清楚。而臣顧其去其留一聽。

上斷非臣部所敢擅擬也。謹將清餉事宜列爲十款伏乞

聖明裁察施行

計開

一曰痛革京運庫折之弊

九邊軍餉除鹽兌民運外。什七仰給京運

每鎮增至二三十萬。或四五十萬。此項銀

兩不知費幾多。催督幾多。轉運以百姓之

膏血供三軍之命脉。亦至不易矣。乃從前

或內外法馬不一。或筭庫給發稍輕。以致

各邊委官因而打邊敲珠。中途竊取其弊

甚多。到彼秤兌。偶有不符。而餉司隨設庫

折之名。出示曉諭。卽賢者不免焉。但賢者

所謂折不過偶然。爲數不多。而不肖者乘

機增數。恣意扣除。逮於支放。貪弁鑿鑿包

封其假此名色而侵削諸軍者又不知幾許矣。今臣部法馬既已較定，兌支立爲畫一。凡解銀到日，該餉司按冊稽查，係某處銀兩與某解官秤兌，一一詳驗。如有短少，須解送同城督撫兵道眼前抽鞘秤兌，或內或外，直窮到底，務使作弊者無所容其奸。至於分散各營督撫兵道，亦須抽封秤驗。餉司既無庫折，而各營有短少者，卽係侵剋。罪在不宥。倘餉司不自愛，仍立庫折名色，以巧爲扣剋，詎臣部訪知，繩以白簡，又何詞焉。

二曰力滌民運出納之規

各鎮餉銀除京運外，多賴民運。本折不一，而拖欠者多至百萬，少至二五十萬。如河南、山東、北直等處，所欠宣大民運陸續報完，究竟亦不多欠。其拖欠最夥者，惟山陝二省耳。夫山陝京邊錢糧盡充民運，而逋負若斯，豈

國家惟正之供。獨可寬於二省乎。雖繇年來荒稜
追徵不前。而有司沿習於積玩。撫道避怨
於催科。所從來久矣。邇來民運勒入考成。
歲事稍登一體查叅。再有不額者。有司
雖欲私邀一恩。撫按雖欲曲庇一人。不可
得矣。惟是民運解到。餉司爲政。有苦於加
耗之太重者。有苦於下役之需索者。致令
百姓賠累不支。視爲畏途。已非恤民之道
矣。比至給餉。依然扣除。猶然短少。卽如近

日大同餉司徐克讓。形之白簡。至有人增
加二出扣加二之說。有人心者。豈忍爲之。
值此催徵艱苦之時。當爲鼓舞招徠之術。
今後各餉司解到民運銀兩。就令解役自
已下秤。當堂敲兌。務以針平爲止。餉司親
爲驗看。不許庫役需索要挾。高下其手。至
發餉時。亦聽領餉委官敲兌准足。不得恣
爲執拗。就中短少。逮於分散。則又有督撫
兵道抽封秤兌之法。在大都一如京運之

例庶餉司之心跡白而譽尤遠矣

三曰嚴覈積商召買之姦

各邊自民屯本色及薊密漕糧關寧海運外又有召買米豆草束於以供舊兵之芻糧備新兵之援調立法未嘗不善也厥後日久弊生有名無實奸商巧於漁利而價必多估積書知其溢數而發必扣尅於是

有價值二石而止可置一石者有領銀到手別營生計而粒米寸草不買入倉者援兵到日不過折銀幾分已耳至各邊鎮召買不過糧廳追比倉攢收納多有拖欠十幾六七經年累月百方支吾以圖免比種種情弊難以枚舉積書洞識此中機關於領銀日人人科索在在打點此奸商積書通同作弊牢不可破者也茲欲講求端本澄源之術如薊密等處新兵月餉頗厚卽以召買銀兩酌價折給最爲妥便近已行之有效不煩再議又如援兵舊兵應用糧

料有不得不買者。須改商買而爲官買。查
臣部卷案。具載萬曆末年。及天啓初年。召
買舊價。每年不甚懸絕。後乃藉口災荒。恣
爲濫觴。容臣部摘出通行。申飭悉照舊行。
若秋成日。餉司預會撫道。議定確價。一面
赴部申詳。一面在庫那借。先委賢能佐貳。
官員在於豐稔地方。查照時值。買運上倉。
無再駕言候詳守株待兔。以致價騰費重。
則完納自速。奸弊自清。而三軍胥霑實惠。
矣。其以前商人有召買掛欠。未經完官者。
餉司糧廳務在設法追比。盡數補完。餉司
另立循環文簿。赴部倒換。逐季銷算。亦徹
底澄清之道也。

四曰禁絕營伍預支之蠹

官軍月餉。按月照營挨項支放。此舊例也。
近因發餉愆期。遂致派放失序。如督撫標
兵營暨哨探等營。月月先支。猶曰重體統
也。分緩急也。又有均一營伍。而餉司視常

例爲緩急吏胥借科索作操縱有先期支給者有二三月不支者又有原非營伍官軍而借預支名色冒領管運經年累月而後代爲補放如近日薊鎮餉司陳調鼎事者或倩竿牘以恣請托或甘扣除以圖預放致令怨讟繁興不均生嘆是授饑軍以口實坐使敢仇其上也今後放餉除緊急管伍奉有督撫明文者姑准先放一兩月外其餘務要挨管順伍按月序放不得曲徇情面勿聽吏書那移立爲定規敢有越次呈請者卽行駁查不准如有強橫不遵者卽呈督撫懲治倘仍受囑預支夤緣作弊是徵司餉者之不公不明在吏役受賄舞弊而部郎且墮其雲霧中何所遑於溺職之愆也近日惟易州餉司劉象瑤立碣司門痛絕預支賈怨狡猾之徒幾罹風波之險然地方公論自明而本官擔當具見此可爲餉司之榜樣矣

五日清理鹽引開中之實

從來九邊召商中引以實塞下之粟

祖制也。及後變爲折色。而邊儲始匱。近雖仍復本色。又因鹽法壅滯窮商。累足兼以邊地多荒。米價翔湧而邊儲亦匱。臣部業於去歲採諸臣議。參以已見。謬陳八款。以解邊內兩商之困。鹽法漸有起色。然而收納之弊。又不可不爲釐禁者。夫商人輸粟。例照秋成時估。原屬公平。乃奸商賄通牙行。往往高擡妄報。司道好爲姑息。徃徃曲法市恩。又有奸商慮搬運之艱。軍士憚候領之苦。輒以糧票自相兌支。而官攢得以從中漁利。顆粟不入倉者。間亦有之。若此皆耗蠹之門。而邊庾之累也。合無自今以後。令餉司於每年秋成時。會同各道轉行各管糧廳。及州縣正官。務將米豆價值。博訪城市。毋過抑以病商。毋高擡以病

國惟取的確時估。蚤行呈部。定奪卽督各商上納

本色糧料定限年終盡完過期間罪不許
姦積滋爲影射不許軍商自相兌支庶不
失

國初飛輓之意而邊儲其永裕矣

六曰杜除還官侵沒之竇

各鎮兵馬多者十數萬少不下五六萬其
間逃亡倒死無日無之貪弁債帥利於隱
匿不報希圖冒支卽每月各管間有開報
者冊內不過十之一耳乃有造冊在先而

逃故在後者纍纍也且公然乾沒矣各鎮
規例不同有餉司爲政者道府諉非職掌
止循掛號故事不肯細加查覈有撫道爲
政者或以臨放所開逃故名數應支銀項
扣作本衙門交際公費在餉司曰吾照數
發銀支放清楚足矣其應扣與否亦爲情
面而不敢問甚且有不肖者隨風逐波又
將冊內開報一二亦那貸私用也曾不思
事關軍餉卽一鎰一銖皆三軍膏血况五

年再閏從來題

准舊例胥借還官抵補而恣意耗蠹若此又復仰給正餉職掌安在

功令安在合申飭各餉司凡每月放餉先將各營糧冊親閱如無逃故卽移會本道查問是月有無頂替買補兵馬查明無異方准支放如有應扣除者於發餉日某營應扣兵丁逃故銀若干馬匹倒死銀若干存貯在庫其有臨放而逃故者勒令各營中千一體開報若積

雖深姦牢不可破者不妨申

請臣部代爲查追每次支放扣存還官餉司旋報督撫衙門存作閏月餉銀不許聽各營路作弊亦不許道府竟扣作公費或餉司別有染指以糜

國帑仍於季報收放文冊內明開報部如果查覈詳細扣存數多足徵餉司之精明本部必加優異矣

七日銷算漕糧收支之數

薊密昌津四鎮分貯漕糧四五十萬以餉
邊軍轉輸空運綦勞綦費亦不易矣是又
出於民運屯運京運之外而特加優厚者
也。在京倉之收貯尚有掃積餘米又有尖
耗餘米雖漕糧多寡不同每歲所報餘米
動至鉅萬而四鎮不然也。在京管之支放
雖冒破未易稽查尚有還官銀米四鎮舊
兵業減原額計軍受糧豈無贏餘從來臣
部稽查不及而該鎮亦多糊塗塞責未見
未肯爲

公家積儲一置意耳。合行申飭今後餉司以軍數
合糧數逐月銷算要見終歲有無贏餘其
倉積餘米及還官餘米每年勒令造冊報
部作正支銷以補召買之不足以省軍餉
之虛糜卽令顆粒無多亦軍餉一助也。不
則無所辭於以李之嫌矣。

八日定立季報循環之法

各鎮餉司收放兵餉本部舊規立有循環二簿互相稽察而近日之登填呈報者何寥寥也如京運銀兩發自本部者兩庫具有月報尚易知之民運屯糧外解多寡又烏得而問乎至於各鎮管伍領餉除關寧二鎮每月開有挨月順伍支放細冊報部外而別鎮若查不相涉者合行申飭九邊餉司修復循環季報之法列爲四柱分項開列每月收到京運年例銀若干兩係委官某人解到民運若干兩係官役某人解到按月挨日確有的數支放某管官兵若干員名糧銀若干馬騾若干匹頭草料銀若干此外收放民屯及召買本色糧料另置循環二扇照前登填詳開細數後結大總凡循環季報冊內收支實在務要總撒相合此一報也不但邊儲之虛實本部了然於目中而九邊之緩急亦可按冊而預

籌之先事預防庶免庚癸之呼矣

九曰珍惜部司廉隅之防

國朝

祖制於督撫兵道外設立餉司一官豈好爲是備員哉夫亦曰司餉者不得司兵而司兵者不再司餉意至深遠也餉司一官上僅受節制於總督至撫院以下皆得分庭抗禮體貌亦隆重矣此宜何如厚自珍惜以肅觀瞻而無桀不肖者之妄自菲薄也卽如大

同餉郎徐克讓者原以乙榜承乏是缺固已處非其據然猶在差規未定之先也適值內鎮葛九思出鎮又復當先爲逢共建逆祠致獲加銜久任誠非望之榮也及後餉司差規定用甲科非是途者不得與焉克讓亦可圖退步矣猶然居之不疑廉隅掃地今春關中大盜蠢起徑赴蒲城縣治劫掠本官家財臣知其厚積而誨盜也大計之時卽以不謹開送吏部後吏部咨訪不無異

同姑以浮躁降級已厚幸矣舊例餉司劣
轉卽當移文督撫請官攝署而本官戀戀
必欲候代而行此時已破之甌何以肅三
尺而謹四知則染指所難免而白簡固自
致矣惟是差官更替先後吏部之題覆後
候

勅書之給領時日耽延府奸悞事查舊例道府皆可
攝署而本官不以請督撫不以行則非臣
部所得而遙度也近見薊鎮餉司陳調鼎
事順天巡按亦復具題關提勘問矣以部
郎清秩一旦囚首對簿按數追贓卽一人
不足惜如傷部體何此皆微臣率屬無狀
之罪姑爲拈出此後各餉司宜共惜廉隅
且以爲殷鑒可也

十曰裁汰部司加銜之例

先是逆黨魏崔擅權之時威福自擅一時
部郎多有加銜至部堂卿寺者而藩臬又
尋常事也其他內外舛錯尊卑混淆尤難

枚舉逮於

聖明御極太阿獨持一切冒濫職銜俱滌蕩無遺矣
乃餉司猶有加銜之例似亦非

祖制也。先是大同餉郎徐克讓加少叅職銜未經具
辭澄汰承訛襲舛臣固異之近日關外餉
郎王楫因留再任復加山東按察司僉事
王楫清執有品歷俸已過四年督師嘗亟
稱焉。卽循資而陞亦得此無難乃以加銜
照舊管事以不真不假之官處不內不外

之地此本官之所以苦辭而不受也。近日
又以捷功題敘陞級矣。想在銓衡自有處
分然以京職而加外銜終覺窒礙。蓋餉司
見總督例得照京官體衣繡升堂班次在
兵道前今旣加外銜矣寧有僉憲而可居
方伯憲長之上者乎。名曰陞之實似抑之
於體貌不便也。且旣加僉憲則僉憲矣異
日積俸再深將以正郎論俸乎將以僉憲
論俸乎恐內外殊而淹速異非政體畫一

之規於陞轉亦不便也查

神祖朝部郎俸深者祇有加四品服俸例又有吏部
紀錄俟外轉日于應得職銜上加陞一級
二級例茲不可做而行乎如此則於體貌
陞轉種種皆便而人情允乎矣總期盡祛
昔年之陋規而非敢抗今日之

功令也

國家慎重名器願不當出此歟

崇禎二年六月十八日具

題本月二十五日奉

聖旨這釐剔餉弊諸款着通移各餉司確實遵行有
仍前扣尅及縱容商役侵蝕等弊部科督撫按糾
叅按法究追決無少貸你部還慎擇嚴稽不得徇
玩稱職的題加服俸或俟陞任優擢不必加司道
職銜該衙門知道欽此



P28-P31

天一法臣所爲不得不以孔棘之實控之

皇上者也客歲各邊舊餉完至二百一十五萬就中
猶有

帑金三十萬那借新餉八萬五千今歲皆難希冀
惟翹首京邊及塩課二項耳二項不繼則九邊
今歲額餉必不能完臣謹先期請罪請死於

皇上之前是望

皇上蚤計而豫圖之也目今六月將終臣查上半年
發過各鎮邊餉除另疏具題外伏祈仰藉

天語俯賜申飭各省直撫按及各省布政司并兩直
各府拖欠京邊錢糧勒令盡數起解不得借口
八分九分搪抵考成其二年錢糧已經開徵者
俱查出搭解不許貯庫照例題報起解月日員
役職名俱限八月下旬完及六分通俟本年十
二月終完及九分若果舊例原係壓徵州縣仍
令撫按覈實報部不得槩聽影射稽緩其省直
鹽課積逋仍令帶徵元年務期全完二年亦限
歲終完及八分如京邊鹽課有故違濡滯者乞

頒

憲旨預定處分至於秦晉二省辰下二麥已登時雨
已沛秋成在邇催科可行似不得專靠京運矣
謹將省直運司拖欠未完京邊鹽課細數開列
疏後恭候

命下臣部分投移文著實催償一體舉行庶可少救
垂危而接濟萬一也蓋寓內情竅中於膏肓非
天威震疊無以醒久玩之人心而錢糧積逋視爲故
套如正額尚拖何敢望劄行之會議此真毫釐

不容寬假而時刻不能等待者也不然悠忽日
仍而各邊變起臣一身齏粉誠不足恤如
皇上之封何臣可任悚息懇籲之至

計開

各省直太倉京邊錢糧完欠數目

河南省

天啓六年欠銀八千六百八十兩零

七年欠銀八千一百九十七兩零

崇禎元年欠銀一十三萬三千七百六十

五兩零

二年該徵解銀四十一萬八千八百五

十兩零全未解

山東省

天啓六年欠銀六百七十三兩零

七年欠銀二萬一千二百三十五兩零

崇禎元年欠銀二十二萬八千五百八兩

零

二年該徵解銀四十九萬一千五百六

十一兩零

已完銀三千八百七十三兩零

未完銀四十八萬七千六百八十八

兩零

浙江省

天啓六年欠銀三百一十七兩零

二年欠銀五千七百兩零

崇禎元年欠銀二萬二千一十六兩零

二年該徵解銀五萬六千五十四兩零

全未解

江西省

崇禎元年欠銀一萬五千三百九十二兩

零

二年該徵解銀四萬七千八百八十六

兩零全未解

湖廣省

天啓六年欠銀四萬六千二百五十二兩

零

七年欠銀五萬二千六十二兩零

崇禎元年欠銀四萬二千五百四十三兩

零

二年該徵解銀六萬七千五百六十七

兩零全未解

福建省

天啓六年欠銀一千七百二兩零

七年欠銀一千一百八十四兩零

崇禎元年欠銀一萬八千四百一十八兩

零

二年該徵解銀二萬二千四百八十六

兩零全未解

廣東省

崇禎二年該徵解銀九千三百一十六兩

零全未解

南直隸應天府

天啓七年欠銀三千八百八十三兩零

崇禎元年欠銀一萬三千八百七十五兩

零

二年該徵解銀二萬三千二百五十一兩零全未解

安慶府

天啓六年欠銀五兩零

七年欠銀二百九十五兩零

崇禎元年欠銀二百三十五兩零

二年該徵解銀五千三百二十兩零全未解

徽州府

天啓六年欠銀三十六兩零

七年欠銀二十六兩零

崇禎元年欠銀二千一百二十七兩零

二年該徵解銀二千一百五十三兩零

全未解

寧國府

天啓六年欠銀四百九十三兩零

七年欠銀四十五兩零

崇禎元年欠銀六千六百八十四兩零
二年該徵解銀二萬二千三百九十二
兩零全未解

池州府

天啓七年欠銀八百八十七兩零
崇禎元年欠銀八千六百八十五兩零
二年該徵解銀八千六百八十五兩零
全未解

太平府

天啓六年欠銀二百二十二兩零
七年欠銀三百四十四兩零
崇禎元年欠銀二百四十六兩零
二年該徵解銀九千七十兩零
已完銀三千三百七十六兩零
未完銀五千六百九十四兩零

廬州府

天啓七年欠銀二十四兩零
崇禎元年欠銀二百二十九兩零

度支考議
二年該徵解銀三千三百五十六兩零
全未解

鳳陽府

天啓七年欠銀一百八十三兩零

崇禎元年欠銀四千六百二十八兩零

二年該徵解銀一萬三千三百九十七

兩零全未解

淮安府

天啓六年欠銀二千五百九十三兩零

七年欠銀七千八百七十五兩零

崇禎元年欠銀一萬四千八百五兩零

二年該徵解銀一萬八千六百一十二

兩零全未解

揚州府

天啓六年欠銀八百八十八兩零

七年欠銀四十八兩零

崇禎元年欠銀一萬一百五兩零

二年該徵解銀一萬八千九百八十一

兩零全未解

蘇州府

天啓六年欠銀一萬四千二百三十六兩

零

七年欠銀三萬一千五百五十六兩零

崇禎元年欠銀一十三萬三千八百九十

三兩零

二年該徵解銀一十四萬八千八百九

十三兩零全未解

松江府

天啓六年欠銀九千九百九十四兩零

七年欠銀二萬五千六百六十二兩零

崇禎元年欠銀四萬一千三百五十八兩

零

二年該徵解銀五萬二百六十八兩零

全未解

常州府

天啓六年欠銀四千五百七十五兩零

七年欠銀六千五百五十二兩零

崇禎元年欠銀三萬五千二百二兩零

二年該徵解銀四萬八千二百五十五

兩零全未解

鎮江府

天啓六年欠銀六十八兩零

七年欠銀二千一百三十五兩零

崇禎元年欠銀三千二百三十一兩零

二年該徵解銀三千二百二十一兩零

全未解

徐州

天啓七年欠銀四十七兩零

崇禎元年欠銀三十四兩零

二年該徵解銀六千四百七十二兩零

全未解

滁州

天啓六年欠銀二兩零

七年欠銀六十五兩零

崇禎元年全完

二年該徵解銀七百九兩零全未解

和州

天啓七年欠銀三兩零

崇禎元年欠銀三兩零

二年該徵解銀五百四十七兩零

已完銀一百四十八兩零

未完銀三百九十九兩零

廣德州

天啓七年欠銀四十七兩零

崇禎元年欠銀八千九百五十二兩零

二年該徵解銀八千九百五十二兩零

全未解

以上天啓六年各省直共欠銀九萬七

百三十六兩零

七年共欠銀一十六萬八千五十五兩

零

崇禎元年共欠銀七十四萬四千九百三

十四兩零

二年未解銀一百四十九萬八千八百五十六兩零

各省直運司提舉司舊餉鹽課完欠數目

兩淮運司每年額解太倉鹽課銀共六十七萬三百二十九兩九錢

天啓六年未完二十五萬二千零四十六兩一錢二分自崇禎二年起題

每年帶徵十萬三年通完

天啓七年未完一十七萬六千四百一十一兩六錢一分

崇禎元年未完二萬九千五百七十五兩六錢一分

崇禎二年全欠

兩浙運司每年額解太倉鹽課銀一十四萬五千兩

崇禎二年全欠

長蘆運司每年額解太倉鹽課銀一十四萬

八千一百三十三兩

崇禎元年未完四千七百九十七兩

崇禎二年全欠

山東運司每年額解太倉鹽課銀五萬三千

三百七十七兩六錢

崇禎元年未完二萬六千三百七十七兩

六錢

崇禎二年全欠

福建運司每年額解太倉鹽課銀二萬九千

四百三十九兩九錢七分

崇禎二年全欠

廣東提舉司每年額解太倉鹽課銀二萬一

千八百六十三兩五錢七分

崇禎元年未完一萬零二百六十六兩零

三分六釐

崇禎二年全欠

通州牙稅銀六百兩

崇禎元年二年俱全未解

以上天啓六七年并崇禎元年各運司
共欠銀五十萬零七十二兩九錢七
分六釐

崇禎二年共欠銀一百零六萬八千七百
四十四兩四分

崇禎二年六月三十日具

題七月初三日奉

聖旨邊庭需餉甚急省直屢催不前好生違玩你部
卽將奏內逋額移咨撫按鹽臣勒限起解至十二

月仍照此本數目開註半年內完解若干併註司
府各官先今職名進閱以憑摘出究處該衙門知
道欽此



